

Script of Evening Gojri News Bulletin 07 September 2024 at 1700 Hrs

ایوننگ گو جری نیوز بلیٹن مورخہ 07 ستمبر 2024

یوہ آکا شوانی جموں بے طارق ابرار تے عبدالرحمن تیں خبر سُنو۔ پہلاں خاص خاص خبر۔

*1۔ وزیر داخلہ امت شاہ نے اسمبلی چناواں تیں بعد جموں کشمیر غا ریاستی درجہ نانہ بحال کرن غی یقین دہانی کرائی ہے۔

*2۔ جموں کشمیر مانہ اسمبلی چناؤ غا دوجا مرحلہ واسطے 267 امید واراں غا کاغذات نامزدگی منظور جد کہ 62 امید واراں غا کاغذات مسترد ہو گیا ہیں۔

*3۔ محکمہ چناؤ نے جموں کشمیر یوٹی مانہ مثالی ضابطہ اخلاق غی خلاف ورزیاں غا سلسلہ مانہ 9 معاملات درج کیا ہیں۔

*4۔ وزیر اعظم نریندر مو دی نے کہیو ہے جے اساتذہ مُلک واسطے اہم خدمات انجام دے رہیا ہیں۔

*5۔ تے بھارت پیرا اُلپیکس مانہ مسلسل شاندار کا کر دگی غو مظاہرو کر رہیو ہے۔

خبراں غی تفصیل نال پہلاں عبدالرحمن۔

JK Amit Shah

سینئر بھارتیہ جنتا پارٹی لیڈر و مرکزی وزیر داخلہ امت شاہ نے اج یقین دوايو بے جے اسمبلی انتخابات تیں بعد جموں کشمیر نانہ ریاست غو درجو واپس بحال کر دتو جا نے گو۔ جموں مانہ اک انتخابی میٹنگ سنگ خطاب کرتاں واں اُنہاں نے کہیو جے جموں

کشمیر مانہ آتا اسمبلی چناؤ تا ریخی ہیں کیونجے مو دی حکومت غی طرفوں دفعہ 370 غی منسوخی تیں بعد پہلی بات ات یہ چناؤ قومی ترنگا تے آئین بند غے تحت منعقد ہو رہیا

ہیں۔ جناب شاہ نے کانگریس نیشنل کا نفرنس اتحاد و الزام لایو جے وہ پُرانو نظام ات دوبارہ زندہ کرن غی کوشش کر رہیا ہیں۔ جناب شاہ نے اس اتحاد غی نکتہ چینی کرتاں

واں کہیو جے جد حکومت نے جموں کشمیر یوٹی مانہ دہشت گردانہ واقعات مانہ 70

فیصدی کمی آنی ہے تد ہُن کانگریس نیشنل کا نفرنس دئے جماعت مل غے جموں کشمیر

نانہ اک بار پھر دہشت گردی غی اگ مانہ تہکیلن غی کوشش کر رہی ہیں، اُنہاں نے کہیو جے این ڈی اے حکومت نہ تے ات دہشت گردی نانہ دوبارہ زندہ ہون غی اجازت

دے گی نہ ہی خودمختاری چلن دے گی تے نہ ہی گجر بکروال، پہاڑی تے دلت طبقات سمیت کسے وی برادری سنگ نا انصافی ہون دے گی۔ اور بی جے پی نے ہی گجراں

پہاڑیاں، بکروالاں تے دلت طبقات نانہ تخصص بارے منظوری دتی ہے۔ واضح رہے جے 18 ستمبر نانہ شروع ہو غے جموں کشمیر مانہ 3 مرحلاں گے تحت ہو رہیا اسمبلی

انتخابات مانہ بھارتیہ جنتا پارٹی غی انتخابی مہم نانہ تقویت دین بارے مرکزی وزیر داخلہ اپنا دورہ دورہ و جموں مانہ ہیں۔ وزیر داخلہ نے کل بھارتیہ جنتا پارٹی غا

انتخابی منشور غی نقاب کشائی کی تے فر پارٹی لیڈراں سنگ تبادلہ خیال کیو۔

Congress Charge sheet

جموں کشمیر مانہ اسمبلی انتخابات گا تناظر مانہ کانگریس جماعت غی طرفوں اک فہرست الزامات جاری کی گئی ہے۔ جس مانہ بھارتیہ جنتا پارٹی و الزام لایو گیو ہے

جے واہ جموں کشمیر مانہ لوکاں غی آواز نانہ دبا رہی ہے۔ کانگریس گا جنرل سیکریٹری و مواصلات با رے انچارج جے رام رامیش نے سماجی ذرائع ابلاغ ایکس ور اس فرد الزامات نانہ سانجھاں کیو ہے۔ جس مانہ کہیو گیو ہے جے نوی دہلی غی طرفوں مقرر کیو گیو اک غیر منتخب لیفٹنٹ گورنر جموں کشمیر مانہ تمام طرح غا اختیارات طاقت رکھے۔ اس دستاویز مانہ یوہ داعو کیو گیو ہے جے جموں کشمیر مانہ لوکاں غی آواز نانہ دبايو جا رہیو ہے تے وعدہ کیا جان غے باوجود فخر کیا جان غے قابل جموں کشمیر غا لوکاں نانہ ات ریا ست بحال کرن تیں محروم رکھیو جا رہیو ہے۔ تے اس طرح انہاں سنگ دوجا درجہ غا شہریاں غو سلوک کیو جا رہیو ہے۔ کانگریس غی طرفوں جا ری بیان مانہ داعو کیو گیو ہے جے باہر غا لوکاں نانہ جموں کشمیر مانہ زمین، ذرائع تے روزگا ر دتا جا رہیا ہیں۔ جد کہ مقامی لوک ات مہنگائی یعنی بدھتی قیمتاں، بڑا ٹیکساں، پانی غی کمی، بجلی سپلائی غی کٹوتی تے سمارٹ میٹراں غے ذریعے اندھا دھند بجلی غا بلاں سنگ جھوجھ رہیا ہیں۔ کانگریس نے الزام لایو ہے جے پورا ملک مانہ سب تیں زیادہ بے روزگار غی شرح فیصد غا لحاظ سنگ جموں کشمیر دوجا نمبر ور ہے تے ات قومی اوسط دگنی ہے۔ جت سال 2019 تیں لے غے 65 فیصد سرکاری آسامیں خالی پنی وی ہیں۔

Omar BJP

نیشنل کانفرنس غا لیڈر تے جموں کشمیر غا سابقہ وزیر اعلیٰ عمر عبداللہ نے بالخصوص کشمیر خطہ مانہ بھارتیہ جنتا پارٹی سنگ صفا بندی آلی سیاسی جماعتاں غی ساکھ غے بارے شکوک و شبہات غو اظہار کیو ہے۔ انہاں نے ایسی پارٹیاں مانہ کامیابی کمی یعنی ناکامی در اشارو کرتاں وان کہیو جے الطاف بخاری غی سربراہی آلی اپنی پارٹی اس سلسلہ غی اک مثال ہے۔ انہاں نے کہیو جے وے نہیں سمجھتا کہ جموں کشمیر غا لوکاں خاص کر کشمیر غا لوک ایسی کسے جماعت مانہ برداشت کرن واسطے تیار ہیں۔ جہیڑی بی جے پی سنگ تعلقات گا نتیجہ مانہ وجود مانہ آئی۔ بھارتیہ جنتا پارٹی و نیشنل کانفرنس غا ماضی غا اتحاد پارے بولتاں وان انہاں نے کہیو جے واجپائی غی سرپرستی آلی ماضی غی بی جے پی حکومت تے موجودہ بی جے پی حکومت غا نظریہ مانہ بڑو فرق ہے۔ انہاں نے کہیو جے واہ اک بکھری بھارتیہ جنتا پارٹی تھی۔ جہیڑی بی جے پی ہی انسانیت، جمہوریت تے کشمیریت غی گل کرے تھی۔ انہاں نے کہیو جے اس ویلے ایسی کوئی وی ایسی سانجھی گل نہیں۔ جہیڑی بی جے پی تے نیشنل کانفرنس دئے جموں کشمیر پارے اک جیسی چاہتی ویں۔

Nominations

جموں کشمیر مانہ اسمبلی چناؤ غا دوجا مرحلہ واسطے امیدواراں غا کاغذات نامزدگی چھان بین تیں بعد 267 امیدواراں غا کاغذات نامزدگی منظور جد کہ 62 امیدواراں غا کاغذات نامزدگی مسترد ہو گیا ہیں۔ آکاشوانی جموں گا نمائندہ غی رپورٹ غے مطابق دوجا مرحلہ غی پولیننگ واسطے 6 ضلعان گا 26 اسمبلی حلقاں تیں کل 329 امیدواراں نے اپنا کاغذات نامزدگی دائر کیا تھا۔ اس مرحلہ غے تحت کاغذات نامزدگی داخل کرن غی آخری تا ریخ 5 ستمبر تھی جد کہ امیدوار 9 ستمبر توڑی اپنا ناں واپس لے سکیں۔ اسمبلی چناؤں گا دوجا مرحلہ غی پولیننگ 25 ستمبر مانہ وے گی اس سلسلہ مانہ سیاسی جماعتاں نے جموں کشمیر مانہ عوامی جلساں اور ریلیاں مانہ تیزی لیائی ہے اور امیدواراں غی چناؤی مہم اپنا عروج ور ہے۔

ECI

محکمہ چناؤ نے اسمبلی چناؤ کا سلسلہ مانہہ جموں کشمیر مرکزی زیر انتظام علاقہ مانہہ مثالی ضابطہ اخلاق غی خلاف ورزیاں گا 9 معاملہ درج کیا ہیں اور 5 ملازماں مانہہ سیا سی سرگرمیاں مانہہ ملوث ہون کا سلسلہ مانہہ معطل کیو ہے۔ جد کہ مثالی ضابطہ اخلاق غی خلاف ورزیاں گا 48 معاملان گی تحقیقات شروع کی ہیں۔ آکاشوانی جموں گا نمائندہ غی رپورٹ غے مطابق اعلیٰ چناؤ کمشنر غا دفتر نے 16 اگست مانہہ مثالی ضابطہ اخلاق لاگو ہون تیں بعد اجاں توڑی پورا جموں کشمیر مانہہ مثالی ضابطہ اخلاق غی خلاف ورزیاں گا 175 معاملان مانہہ درج کیو ہے۔ جن وچوں 96 معاملہ سیا سی جماعتاں اور امیدواران، 53 سرکا ر ملازماں، دو صحافیاں اور 24 دوجا افراد غے خلاف درج کیا گیا ہیں۔ اس تیں علا وہ 89 معاملان مانہہ بے بنیا د اور غلط الزام غے تحت مسترد کیو گیو ہے۔

SVEEP Samba

منظم رائے دہندگان تعلیم تے چناؤی شراکت یعنی سویپ مہم غے تحت ضلع چناؤ افسر سانہہ راجیش شرما تے چناؤ مالیاتی نگران کا رتھک مانی کام نے طالب علماں، اساتذہ، ضلع افسراں، سرکا ری اہلکاراں، بی ایس ایف تے پولیس جوانان سمیت ہزاراں لوکاں غی موجو دگی مانہہ سانہہ مانہہ اک بڑی سرحدی میراتھن دوڑ مانہہ ہری جھنڈی دس غے شروع کیو۔ اس میراتھن مانہہ جتن آلاں گی حوصلہ افزائی کی گئی۔ اس میراتھن غو مقصد سرحدی علاقان غا لوکاں مانہہ چناؤ مانہہ شرکت پارے بیدار کرنو اور چناؤی عمل مانہہ زیا دہ تیں زیا دہ لوکاں غی شمولیت یقینی بنانو تھو۔ اس موقعہ و ر اس مہم مانہہ کامیاب بنان واسطے ضلع سانہہ گا سار ضلع افسر وی موجو د تھا۔ اس میگا میراتھن پارے آکا شوانی سنگ گل کرتاں واں گو رنمنٹ ڈگری کالج سانہہ غی اک طالبہ چناؤی پنگوترہ نے اس طرح کہیو۔۔۔ بانٹ۔۔۔

یہ خبر تم آکاشوانی جموں تیں سن رہیا ہیں خبراں گا باقی حصہ نال طارق ابرار۔

PM Teachers

وزیر اعظم نریندر مودی نے کہیو ہے جے اساتذہ ملک و قوم واسطے بہت ہی اہم خدمت سر انجام دے رہیا ہیں تے وکست بھارت پارے اج گا نوجوانان مانہہ تیار کرن غی ذمہ داری غے ہتھ ہے۔ کل نوی دہلی مانہہ اپنی رہائش گاہ و ر قومی اساتذہ اعزاز حاصل کرن آلا اساتذہ سنگ بات چیت کرتاں واں جناب مودی نے اس گل غی اہمیت و ر زور دتو جے ہم سب مانہہ وکست بھارت پارے شہریاں تے نوجوانان مانہہ باصلاحیت بنان پارے کوشش کرنی وے گی۔ انہاں نے مشورو دتو جے اساتذہ غی طرفوں طالب علماں مانہہ تعلیمی دورہ غے ذریعے بھارت غی رنگا رنگی تیں واقف کرانو چاہیے۔ مقامی زبان سکھ غے بھارت غی پُھر تیلی ثقافت تیں واقف کرانو چاہیے تے اپنا تجربات اک دوجا سنگ سانجھا کرنا چاہیے۔

India China

بھارت نے مارگن سیٹنلی کیپٹل انٹرنیشنل جہیڑی سرمایہ کاری منڈی غا اس مہینہ غا انڈیکس مانہہ وزن گا سلسلہ مانہہ سبقت حاصل کرتاں واں چین مانہہ پچھے کر دتو ہے۔ انڈیکس مانہہ چین غا وزن 21 عشاریہ 58 فیصد غے مقابلے بھارت غو وزن 22 عشاریہ 27 فیصد ہو گیو ہے۔ یوہ اعلان مو رگن سیٹنلی نے کیو ہے۔ یاہ چیز منڈی غا رجحانات غی

عكا سى كرے۔ چين غى ماركيٲ جءو جءء كر رهى بے جء كه بهارت غى ماركيٲ ناٲه اس غو فائءو هو رهىو بے۔

Para Olympics

پيرس مانه جارى پيرا المپكس گيمز غے ءسويں تهاڑے بهارتى كهلاڑياں غى نظر تيراكى، سائكلينگ اور كينوئے سميت هو ر كُجه ءوجى كهيڈاں مانه سرفهرست رهن ور لگى بے۔ بكه بكه كهيڈاں مانه بهارتى ٲيم گا كهڈارى كنى ميٲل جء چكا هيں۔ سائكلينگ مانه جيوتى كُٲريا كالسرياں غى سى 1 تهرى روٲريس غا فائئل مانه جان واسطے تيار رهيں۔

اس غے نال هي خبراں غو يوه بليٲن خءم هوؤ۔